

*f. 128'.

- *Talibus insudas; sudabat in hiis quoque Iudas.
 Ergo Deum patrem perdis, sanctam quoque matrem,
 35 Ecclesiam, flere facis inque dolore sedere.
 Nam quos nutrit, in se retinere nequivit.
 Ad quicquid velles, hos tres, nec lege rebelles,
 Tu subtraxisti sibi, tu sub morte dedisti.
 Et sic, quod nullam debes portare cucullam.
 40 Quid magis iratus faceret pro plebe Pilatus?
 V. Approbat ignotis¹ nugis omnino remotis,
 Qualis et a puero sis et nunc ordine vero,
 Quod licet imberbis ex rusticitate superbis,
 Quod nunc mendicas² meretrices pascis amicas,
 45 Quod sis exosus, quod sis irreligiosus,
 Quod cupis avelli precibus pro turbine belli³,
 Quod sis periurus, cleptes homicidaque durus.
 VI. Si quid habes, profer et te, miserabilis, offer
 Iudicis ante pedes, non has rediturus in e-des.
 50 Deque tua⁴ causa sic describit manus ausa⁵
 'Non est sub divo similis tibi traditor Yvo'.
 Quippe tuo more posito de fronte pudore
 Me, tibi confessum, nimis egritudine pressum,
 Omnibus exutum propriis et te duce tutum,
 55 Tecum duxisti furtim regique dedisti
 Rexque suis servis, in me torquendo protervis,
 Me, cuius pectus reprimat miseranda senectus.
 Sudibus afflicto minima costa⁶ male stricto
 Preter habere cutem mihi diripuerat salutem.
 60 Responde, quero! faceretne simillima Nero?
 His aliisque modis decerneris instar Herodis.
 VII. Huic, quocumque modo valet, ardens prestitit⁷
 Odo
 Fortune casum nigriori⁸ demone suasum.
 Quid facies inde? fit questio de Fredesinde.
 65 Quam nisi cognosses, felix existere posses.
 Si⁹ dicas, quare placeat subscripta notare,
 Huius ob incestum fieri te credito mestum!
 Nam tibi¹⁰ claudetur, tua quod commater habetur.
 Et grave lederis, quod compater eius haberis.
 70 Illius impuras vidit suspendere suras,
 Illius immunes vidit te condere clunes.
 Et toto nisu, quod erat mirabile visu,
 Vidit ceventem, vidit, quod nollet, agentem.

1) a notis c. 2) ne dedicas c. 3) Sinn? vielleicht 'herbices
 turbine belli'. 4) sua c. 5) aufa c. 6) cista c. 7) p̄stidat c.
 8) nigriore c. 9) v. 66—81 fehlen bei Mabillon. 10) cum c.